

拙圃詩草三集

楚鄂崔應階吉升氏稿

賦得松風吹天簫

夜靜烁空爽松高翠蓋圓濤聲流素月仙籟繞蒼烟
不比湘靈瑟如鳴舜帝絃更疑調露樂吹下綠雲邊
元夕同人小集署齋和葉經六韵

燈連九陌夜如何更喜群賢肯一過玉宇雪晴明月
淨凍梅春入暗香多留人未得逡巡酒遣興空餘暇
豫歌謾道相逢成易事等閒回首渺山河

雪霽與友人賦韻

春回幾見雪霏霏霽色寒光澹夕暉繞砌已隨梨夢
冷因風還作柳花飛吟詩有興還乘蹇僵臥無人獨
掩扉不識子猷江上棹滿船可載月明歸

和張鐵山雪中集何松崖書齋

客裏逢春劇可憐聞君還醉杏花天雪晴窻戶杯浮
蟻春到軒除柳吐烟只覺新愁來眼底不知舊恨在
誰邊雲箋寫就因風寄弦月當廳人未眠

春思再用前韻

柔情一縷向誰憐又近春風二月天艸色欲青含細
雨鶯聲初軟喚輕烟相思空寫蠻箋上好夢難成洛
水邊偏是夜來無意緒半鈎眉月照孤眠

雨中宿寶店留別諸友用壁間韻

帝里分符久汾陽出守行只慙蒙眷顧無以荅昇
平雨露恩膏遍郊坰變浪橫襄徇那忍去為愛故人
情

初秋送黃甥程雲還楚

別路秋初霽南飛有雁群情深驚折柳天遠悵行雲

作客誰憐我還家獨憶君何如陶處士籬菊對清芬
過黃蘆嶺

馬行山徑窄緩轡陟層巒雲氣侵衣濕松聲拂耳寒
羊腸隨地曲鳥翼到天難保障西河郡巖疆十八盤
吳城驛小樓晚眺

叢薄徑微窄行行上驛樓風催黃葉雨天近碧雲秋
遠岫如堆髻憑欄好放眸慚無可之筆書壁記清遊
過金鎖關

立馬河山望西風日欲晡白彪橫晉隘金鎖扼秦都

劈石分雙壁當關守一夫太平今在德烽火靜長途
花朝前一夕喜晤胡大川即席和韻

愁聽鶯聲日漸遲春風裊裊動呆愚故人已遂相逢
約好句猶懷贈別詩雨細欲開紅杏頰煙輕初挂綠
楊絲一樽莫放東君去藉草尋花二月時

春日即事和大川韻

遲日多愁思綿綿絆此身敲詩惟賴酒作宦不妨貧
草淺猶藏雪花寒未放春可憐汾一曲幾見踏青人
二月十九日喜雪

不雨妨農麥秀稀
醮壇虔禱步行歸
愧無善政舒民力
喜報楊花作雪飛
預望兩岐呈瑞麥
寒生二月怯春衣
呼童掃取烹茶鼎
一縷清風玉屑霏

郡齋春日書懷二首和大川韵

郡齋春事少
亭館寂如禪
花徑紅猶淺
芳郊綠未全
困心綿白日
香恨記青年
何處開樽酒
東風醉管絃

其二

少年詩酒債風月
及良辰芳草憐公子
桃花憶美人
醫愁原少藥
多病豈關春
回首追歡地
輕歌有絳唇

送胡大川北上兼懷薊門諸友

經春才自上林歸
又聽陽關唱夕暉
十里杏花紅對酒
滿堤楊柳綠侵衣
東風已送離人去
南浦空留燕子飛
寄語金臺舊朋好
對床夜雨夢依依

送黃甥程雲還楚

春愁脉脉憑何遣
又擁驪駒動旅塵
送子幾經歌別曲
憐余常作未歸人
碧山如畫思巫峽
芳艸連天憶楚濱
長路關心逢驛使
一封莫厭寄書頻

晚宿薛頡嶺

山路人煙少，籃輿可暫停。雨添新漲綠，窓壓晚峰青。
酒薄難成醉，愁多不解醒。夜闌邨事寂，漏鼓落寒廳。
雨中過雲集嶺書懷

亂山層疊插嶙峋，細雨輕沾匹馬塵。野鳥時呼泥滑，
滑流泉寒激石粼粼。雲深乍冪千峯翠，花老猶開四
月春。是處結茅容小住，林巒應惜未閒人。

石邑弘福院遠眺

琳宮高處有層臺，駐馬憑臨首重回。雨水懸流環郭
去，群峰列翠插城來。寒雲暮與炊煙合，村徑遙從石

壁開。牧笛一聲牛背起，夕陽歸鳥共徘徊。

登永寧城樓感懷

玉亭風雨近初秋，望遠還須一上樓。地接黃河分晉
險，天連白帝下秦州。人家背部零星住，山漲臨溪散
漫流。何處涼蟬啼不住，垂楊搖落不勝愁。

石門遇雨

石門雲際路一線，達青巒雨洗千山淨。風吹六月寒
劈空，驚震電起陸走狂瀾。天意甦苗槁，芄芄立馬看。

臨川南溝對月

迤邐過村落人家傍晚汀捲簾移竹榻欹枕對雲屏
山月半輪白谿煙一縷青可憐幽絕處明發戴殘星
雨後還自玉亭道上

行旌才自玉亭回清路無塵眼界開山色帶雲舍宿
雨谿聲激石響晴雷村邨禾黍連阡秀處處牛羊放
野來幾日秋成田父樂堆盤葵菽薦新醅

立秋前二日過晉祠書懷

晉陽來往處林壑此間幽山色碧於染水聲清似秋
銷沉千古跡寥落一人遊欲滌塵襟去瀟湘有釣舟

雨中自汾南歸宿五里庄題壁

歸途誰復計陰晴荷笠何妨遠出城雨載河汾携石
去一天風雨送人行遠山如洗峰峰翠秋水無塵處
處清十六年來游宦地艱辛今日始南征

度太行山宿星軺驛題壁

石盤天際路策馬太行山王道本平易人心自險艱
千峰舍宿雨一鳥度雲還惆悵星軺驛明朝出晉關

太行山阻雨感懷

千里携家憇驛亭太行風雨暮冥冥北堂望斷門無

倚南國歸來鬢欲星遠水寒流千澗白亂雲還擁萬
峰青黃河一線何時渡渺渺愁懷總未醒

星軺驛送浦子良還吳

同作還家客歸途復送君傷心孤驛雨惜別大行雲
握手知何日驪歌不忍聞扁舟如訪戴吳楚一江分

南歸渡河題滎澤店壁

星源天上落萬里濁流長砥柱欽神禹安瀾託大王
山橫河兩岸帆接浪中央自有樵風便乘槎不羨張
鼓琴短歌贈王子

梅花欲謝春風中幽思發我橫焦桐古音不入世俗
好彈之或可援顏風伯牙在何許所悲知音難高山
流水最清絕我欲移情於其間有客有客意都雅心
閒手敏時一彈訪我茅齋良夜靜然香煮茗佐清興
撫絃欲弄松間聲宮商落指流天性默坐凝神萬化
空一聲撥刺人初定

春日戴霖若招遊李氏山林

賓陽門外有山亭曲徑幽然艸木馨公子招遊新釀
熟春風吹動宿愁醒墻歆怪石苔皴碧竹壓流泉水

放青雅興豈辭終日醉尋芳猶欲到郊垞

苦雨

楚澤偏多雨春風吹不晴
濺花紅欲墜摧柳綠還傾
簷溜時時滴池塘處處平
何當同日馭載酒一聽鶯
黃鶴樓送王懷祖北上
江天一繫故人舟二月烟花上
鶴樓我欲題詩慙景物君曾作賦擅風流
遠山送綠浮窓外芳艸含青夾
渡頭握手幾時還別去陽關明日不勝愁

柳枝詞四截為朱天中賦

煙梳雨織一絲絲春滿天涯欲折時
勾引別離牽惹恨何人復咏斷腸詩

遠帶青山近拂隄薰風搖曳西橋西
小舟載酒停深處聽取黃鸝兩兩啼

昨夜微霜下井欄西風堤上起輕寒
數行憔悴卿知否愁斂眉峰翠欲殘

織腰無復舞娉娉冷落誰憐眼未青
長筵一聲吹不盡如花暮雪滿旗亭

朱蘭田還自揚州喜而作此

烟花自古屬揚州乍喜聞君跨鶴遊
藥裏携春飛杏雨奚囊貯句寫風流
十年遙繫吳山夢一葉初歸楚岸舟
老大故園仍爾我相逢不復計離愁

挽節孝吳母劉孺人十八韻

桃李榮春風歲寒後松栢造物無偏私
此則奚不盡厥惟天地心良用昭堅白
矧乃坤至柔剛方固不易婦道本於此
舍貞比金石人物雖殊途賦性則同轍
吾里劉孺人頗具此知識系出名家姝
淡泊寡修飾十五歸吳郎孝敬循婦職
舅姑愛厥賢佳婦殊難得

永期主蘋蘩良人忽不測弱息暨孀姑
相悲腸百結匪難從九原忍爲生者惕
甘旨繼夫子佐餽與畫荻賢搯四十年
苦節一朝畢凜凜冰霜姿非彼春風質
坤德之所鍾貞吉乃從一爰以記芳徽
用脩史官筆

荷月壽陳公申

甲子初迴壽日長介眉欣奉紫霞觴
雪桃已報千年熟嘉藕還生六月涼
座上有賓皆齒德庭前無樹不琳琅
華筵更卜期頤慶南極熒熒啟瑞光

誌感二首

宦海無兄弟還家失故居弱雖強所食良豈法宜鋤
為信減三耳因忘鬼一車從來莫須有識者意何如
其二

慈烏無復哺遺恨敢云忘賴有神明在高懸日月光
風牛原不及鹿馬更何傷鵬鶚秋霄勁城狐亦斃藏

雜咏四首

野鶴信無侶孤立常不鳴豈如百舌鳥春風能媚人

又

鵲巢構高樹鵲去鳩居之謂鳩能自巢鵲亦難致辭

又

鴟鴞食其母殘性習於素乃噴城頭烏胡為而反哺

又

狐性本多疑堅冰猶畏涉既無履薄心濡尾終怵惕

雨後過漢川望仙女山

漢川城下水迢迢片蓆凌秋屬望遙雨洗芙蓉仙女
髻風軟楊柳楚姬腰情生雲樹人千里醉倚帆檣酒
一瓢別後江鄉仍似昔澹懷歸欲共漁樵

襄江晚泊

西風江上送輕寒
渺渺煙波動木蘭
秋水綠浮楊柳渚
夕陽紅映蓼花灘
携將景物歸詩卷
趣得幽閒理釣竿
收拾片帆襄岸泊
篷窓斜倚月團團

長湖龍口晚泊

長湖秋漲濶落日
片帆低晚泊歸龍
口寒空有雁啼星
沉波上下岸隔水
東西咫尺江陵路
煙深望欲迷

暮雪

朔風吹冷度殘年
不定陰晴造物偏
暮雪未能消白日
浮雲終欲蔽青天
松筠有節寒逾勁
桃李無春色

自薦滿眼蕭條誰是侶
閉門只合學彊眠

歲暮寄懷朱天中

故人別我去揚州
雪意如花又隔秋
廿四橋頭孤月冷
二千里外暮雲愁
愧無一鶴騰清漢
賴有雙魚下碧流
寄語牧之詞賦客
幾時夢覺動歸舟

和梅堂沈夫子見寄元韻二首

廿年魂夢繞廬山
問易何當共息關
白雪久踈三尺侍
清風相送一身還
分酬筆墨猶餘債
檢點琴書總未閒
重過紫陽親道範
大椿八百尚童顏

其二

函丈年來契濶深楚風復得繼高吟謾勞魚雁勤通
情且就林泉共此心庾亮樓空千里月伯牙臺古一
鳴琴陽春有曲誰能和貢鼎終推九牧金

和沈餘庵見贈原韵

楚尾吳頭任往還此心遙憶若旌懸舊時小別三千
里今日相逢二十年湘芷尚留神女佩風騷無復大
夫賢開樽月滿南樓夜且讀歸來第一篇

元日喜雪

雪意乘陽令先開六出花梅邊香淡遠柳外絮踈斜
素影流銀漢寒光瀉玉沙屠酥春釀熟共醉好年華

上元同友遊洪山寺限韻

天際青浮一抹山琳宮遙在翠微間尋芳人共春携
展習靜僧常晝掩關檻外雪融湘水綠簾前鶴睡楚
雲閒於今鐵鎖開魚鑰雁塔何妨趂月攀

祝沈枚臣郡伯七十壽

景淑風和鳳紀新華堂恰喜值佳辰循良已奏二千
石壽考初膺七十春繞砌紫芝露玉露肆筵黃耆醉

芳醇忽看楚野分南極光并元宵月一輪

咏玉蘭和韻

瓊姿移閨苑春意淡晨妝冰玉原同色芝蘭不辨香
暖融枝上雪輕散夜來霜洗却鉛華態無心夢楚王
袁步雲齋中玉蘭盛開日同潘一齋諸君宴賞
訓和予不得與焉因次韻寄之

煙雨初晴徑未乾君家庭院客同歡酒傾夜月浮金
梳香逐東風上玉蘭好景難留三月住名花須趁一
春看尋芳偏我嗟遲暮蝶鬧蜂喧興已殘

祝黃繼周六十壽

慶溢門闈善可風大椿應錫與君同八千之歲日初
永六十稱觴天介中蒲葉先浮眉酒綠榴花爭向錦
堂紅五絲長命堪爲縷留着當筵祝壽翁

題潘一齋小照

春色園林好斯人樂在中柳煙拖曉綠杏雨浥輕紅
手把安仁賦心期叔子風臨池書入妙猶記贈鸞籠

鹿門灘

山色連溪綠舟人指鹿門帆輕飛鷁首灘急響雲根

棲隱何年士林泉此日村我來頻悵惘把酒一招魂
鳳皇灘

江色含鸚鵡灘名起鳳皇米家無畫舫習氏有池塘
雨過山流翠風生樹引涼敞廬今在否我欲問襄陽

峴山亭

一片峴山石誰將姓字留已無人墮淚徒有客生愁
柳暗江初雨亭荒月近秋雅歌推叔子遺想尚風流

亂石灘

錦纜終難拽乘風一葉開截流橫亂石拍岸走晴雷

不似人心險何妨破浪來未能慕宗慤擊楫且啣杯

滄浪亭

均州對岸

嶺畔有孤亭滄浪舊得名松和雲一色山與水同清
我欲來垂釣誰會此濯纓移舟相近泊風景繫人情

魚梁灘

共說魚梁險扁舟欲上難入江埋石骨巖壁倒狂瀾
岸拽繩千尺肩撐竹一竿世途慙勇退日過幾重灘

石門灘

不似禹門鑿如何砥柱留斷崖排兩岸劈石走孤舟

風正一帆滿江深五月秋
琴樽與詩卷相伴入鄖遊
龍窩灘

龍隱沈潭下神棲碧落間
亂流噴白雪飛閣俯青山
不有巨靈劈寧知舟濟艱
臨淵愧漁父蓑笠此中間
入鄖陽

三十年前路會騎竹馬遊
風霜吹兩鬢詩酒載扁舟
白首何人在青山為我留
孤城繞江色深覺此生浮
秋日送司馬梁韞菴之宜昌任

漢水棠陰處處栽鳴琴曾不下堂來
遷鶯自合循良

選司馬聊舒治理才一鑑曉臨明月峽
雙旌秋指碧波臺
苗彞此日多承化膏雨桑麻着意培

九日登黃鶴樓

江天漠漠雨颼颼
滌淡重陽獨上樓
白酒未能消我恨
黃花徒自對人愁
長安迢遞三千里
故國悲悽九十秋
落日牛山無限淚
因風吹洒入湘流

祝黃母涂孺人七十壽

瑤池金母降香塵
慶溢萱堂介壽辰
五色鳳來天上
使一枝梅綻嶺頭
春冰清玉潔如三友
鶴算松齡始

七旬好見百年稱世瑞又將褒語出楓宸

木蘭山進香恭紀

峭壁高懸石磴分木蘭仙境絕塵氛一峯秀拔凌三界雙闕遙瞻入五雲玉燭日邊呈瑞靄金猊天際吐氤氲山呼只尺能通座欲藉心香達上聞

歸自木蘭晚宿涂口題壁

性嗜名山喜遍登歸途扶我有枯籐半輪明月荒郊客幾點殘星埜店燈世路浮雲愁易散人情村酒薄難勝三年林下容踈嬾又欲携鞭指玉繩

雪中書懷

寒徑無來客閒居若隱淪未辭原憲粟亦有長卿貧暮雪將欺鬢清風不讓人梅花天上信何日報芳春
祝張老孺人七十壽

天上春將至人間壽域開梅花香鼎鼐竹葉泛尊罍鶴馭三山降鸞書五色來祥光聯寶婺瑞靄接中台繞膝雙儀鳳承家八斗才更邀王母駕同進紫霞杯
長歌贈王子受白

君不見虞帝手揮五絃歌南風無為而治孰比隆又

不見宓子彈琴不下堂能使單父人羲皇古之聖賢
製音樂爰以洗滌人肝腸世無伯牙與鍾子臺空蔓
草風悲涼吾生好音尤好此每于清夜去燭房意凌
扶搖餐沆瀣短琴橫膝時縱縱欲彈不彈仰天坐水
清清兮山蒼蒼此中幽趣鮮知者橫空騁望佳期張
乃有王子甫受白芰荷為衣薜荔裳胸襟不為俗所
染十指能與琴相忘怡情山水有餘韻為余一曲鼓
瀟湘白雲飛出巫山畔綠水流來赤岸傍白雲綠水
七絃上相和一片神飛揚君能擅此世寡合家徒壁

立心徜徉吾恠王子不學吹簫與擷笛胡為習此重
華遺操長思遠慕慨以慷若能拊節安歌園桃天天
棗下纂纂豈致如馮敬通不御之簑恒在堂

聖明

天子今當陽坐令四海如陶唐君能抱此以上獻必

作后夔典樂章即不然使之鳴琴為宓子亦猶勝假
名盜字之龔黃胡為乎携琴不駕琴高鯉徒託意竒
弄改韵易調紛林浪識音者希孰珍貴祇令冰炭盪
我腸

北上贈別表步雲

翩翩年少氣如虹結客由來慷慨同不惜黃金求典
籍能將青眼識英雄楚酣一枕袁安雪竹遶千竿逸
少風幾載琴尊成莫逆對君寧忍說離衷

別劉子天章

林泉得與素心期尊酒論文肯暫離花月自來憎俗
吏風塵寧不走驪駒莫教紅葉飛愁雨欲借青山作
別詩珍重後時携手處長堤春碧柳絲絲

送別朱蘭田之章江余亦北上

君去潯陽棹木蘭江天携手雪漫漫小姑髻挽湖中

綠大別雲生閣上寒自有美人方鼓柁諒無知己不
彈冠臨歧若問余行色一雁來時向北看

雪中別諸友宿涂口

可謝諸君子長亭送我來離情休繫柳雪意欲舒梅
回首楚山晚夕陽湘岸開前途少知己爲盡掌中杯
出武勝關

幾年還澤國今復出鄉關自合風塵走難教杖履閒
煙迷邨歷落水齧石潺湲回首雲深處迢迢是楚山

旅次信陽州

出關方一日鄉語漸無親未得買山隱終為行路人
離情濃似酒天氣暖於春豈是貂裘敝而今始為貧

碓山縣

浮生常作客鞍馬亦相宜伴我惟餘劍傾囊只有詩
風和梅信早天遠雁聲遲又到停驂處孤城夕照時
遂平縣

重過題詩處茅簷背部斜繞墻尋墨跡衝雪問梅花
雁遠傳書使帘遮賣酒家乾坤非逆旅誰道是天涯
小郭店

王途行坦坦客思任綿綿別楚將千里遊梁又十天

貧應知管子

途次有分
金遺蹟

志欲慕張騫策馬斜陽裏前

村宿暮烟

大風宿臨潁縣

晴和才十日又起大王風雁落沙汀白塵飛馬首紅
市聲嚴邑近行色暮笳終愁入許田路明朝凍未融

許州道上

金鞭緩緩策芳塵暖日融融欲逗春若有雙柑携斗
酒何如洛下看花人

郭店驛

乾坤殊落落孤劍走風塵豈世無知己緣余不識人
暮愁天欲雪寒借酒生春明日滎陽渡遑遑復問津
渡河

徘徊滎澤岸一派雪濤深天險分南北星源瀉古今
何年曾擊楫此日復長吟欲籍雙鱗便爲余寄好音

衛輝府

匹馬行河北重過二十秋乾坤增老大書劍伴遨遊
雪霽風猶勁春遲柳未柔故園好南望欲上郡中樓

宜溝驛和壁間韻

旅館寂寞下馬即遶牆讀人詩佳者則吟哦
稱羨劣者輒呼笑若狂豈好多事乃爲客途
中尋一消遣法耳迨至斯驛忽得他山子題
壁數首高調遺響絕不與人同生活蓋深得
風人旨者因撫掌擊節率和一章雖非並驅
然識者亦勿以東家施目人也

驛路重過客恨新昂藏七尺豈閒民未能作楫非無
濟不飲貪泉自合貧風散雪花愁短鬢馬馱詩卷趨

遊人澌澌淇水流寒碧欲解征鞍一洗塵

磁州道上恭紀

天王南狩歷河陽父老懷思說道傍當日六軍行細柳
而今一箭尚穿楊 鸞旗到處恩無際

龍馭遺來淚幾行四海承平餘

聖澤明良從此紹虞唐

曉渡漳河

鷄聲啼徹暗霜凝促起行裝困不勝才向薄衾成客
夢又騎羸馬踏河冰曉煙漠漠濛堤霧寒影離離遠

岸燈漳水渡來今幾載空慙雙鬢白初增

邯鄲道上

二十年前此地遊誰家年少最風流而今寂寞邯鄲
道空惹郵亭一夜愁

彩雲散盡雪如棉柳凍花僵意惘然不遇多情白司
馬琵琶一曲向誰彈

宿邢臺

迢迢愁驛路日暮始停車傲骨亦云倦詩懷良自賒
暖人宜竹葉邨酒有名香夢識梅花途次有宋故國

幾時別寒宵月又華

渡滹沱

策馬渡滹沱西風又一過
雲山青尚爾鬢雪白如何
岸接層冰濶天連塞雁多
上林春漸近好去莫蹉跎
清風店懷人

憶余辛亥春自盧溝出守汾陽與二三知己
聯轡長途賭酒敲詩頗慰岑寂未幾以憂旋
里風流雲散屈指計之行將三載今復過此
惟對一天明月滿地霜華客思無聊故人何

處爰賦短章以紓夙憾云

一麾曾記去汾州好友同來此
宿留春色曉看堤上柳吟鞭
暮指酒家樓風流底事星皆散
寂寞寒堦月自愁今日驛亭誰識我
空餘琴鶴伴孤遊

涿鹿道上

還為燕市客行李亦蕭然
匣有酬恩劔囊無作孽錢
春風將報柳暖日漸融煙為道
長安近雲開尺五天
歲暮客居興聖寺友人以酒餽見餉

歲暮依蘭若難禁客思紛
親朋知寂寞雞黍餽殷勤

進食將誰報，啣杯且自醺。
上林春色溥，還冀一枝分。
京旅守歲

流光何冉冉，餞歲在京華。
是處裁春帖，何人共燭花。
太和應有象

聖澤更無涯，翹首瞻雙闕。
天開五色霞

天街春望

帝里春光溥，天街雪霽初。
玉蹄公子騎，金犢美人車。
風細香塵靜，雲輕日影徐。
太平隨處樂，豈必憶吾廬。
郭氏園亭桃花初放，疾作即歸，漫成四截

君家亭子倚春風，綠酒留人興頗濃。
何事露桃羞對客，歌唇猶掩一星紅。

柳外煙濃燕燕忙，芳心初困日初長。
東君亦解憐仙子，留着桃花賺阮郎。

桃葉今猶未解歌，韶華如許奈情何。
青青不及堤邊柳，占得春風一半多。

添愁增病是閒身，人面桃花可惜春。
未把千金酬一笑，肯教容易啟朱唇。

都門喜晤陳堯凱驛憲即用見貽元韻

流水桃花春正午津門兩岸宜煙雨仙舟一別幾經
年握手猶教思樂土欲識離愁舊若何絲絲楊柳縈
千縷為政風流在晉多褰芳豈必皆湘楚已見東山
起謝公靈犀早望然牛渚

過修雋公山庄

結屋對溪山日夕多佳趣高懷擬古人因之見丰度
流水繞踈籬深柳遮行路田園足可娛鳴鷄滿桑樹
雨綠浮秧針雪白飛溪鷺於我趣閒情一榻為君住
不復醉黃封且讀淵明賦何時歸去來乘月湘江渡

午日京旅擬古二首

雨雪入薊門春光忽云暮薰風來幾日邠復逢兢渡
歲月疾如此難使朱顏駐采采菖蒲花青青披曉露
欲以贈佳人佳人不余顧有懷慕相如為讀子虛賦

其二

榴花豔朝日菖蒲濯清泉繁華與純約天性根自然
屈原沉汨羅淵明歸桑田君子賢遠志胡為相牽纏
但須飲美酒莫惜青銅錢楚山鬱葱葱湘水碧漣漣
此中有真趣誰能即言旋

伏日送別王慕齋自楚之潁

驅車出薊門，駕言送君子。堤柳吹薰風，攀折亦如此。
不堪持贈君，於以思蘅芷。峩峩九嶷山，澄澄三湘水。
美人端在茲，言之芬頰齒。為問箕顛間，誰甘遊鹿豕。
行行從此辭，相思自終始。

汪志升別駕惠花數種詩以荅之

曉起庭院寂，樹風生微涼。雨散雲亦淨，了然聞空香。
啓戶見童子，帶露携筠筐。為道主人意念我，哀衆芳。
貽以霜雪姿，森森如琳琅。秋水貯冰壺，心清暑皆忘。

綠窻愜幽抱，白玉生寒香。何以報君子，爰寫木桃章。

晚香玉

竹榻湘紋晚，自涼冰壺閒。貯一枝霜簾鈎，不下風來。
細枕畔微聞玉有香。

翠雀花

閒整雲鬟約素腰，晚風斜倚碧闌嬌。夜來遺却釵頭。
翠露染花稍色未消。

萬壽菊

秋風未起蕊含芳，不是東籬夜染霜。誰錫佳名稱萬。

壽想因曾拂御袍黃

洛陽錦

石家春意十分濃
醉把花枝鬪麗容
一自綠珠歌舞散
繡衣化作錦重重

都門喜晤何子松崖

故人不相見
鬱鬱生愁思
自君返蓬華
坎軻恒無知
抱道以終老
將同滄海遺
不復問朱紫
吟哦唯書詩
我昔歸湘沚
采摘多蘭芝
欲以寄幽人
路遠託空辭
偶因晨風發
奮翼望高枝
豈知駑馬群
千金莫致之

旅食滯京華
流光忽如馳
君能念舊好
策蹇來相期
握手無復言
淚為離別滋
歲月互更易
人事相推移
春華與秋艸
榮謝各有時
富貴非所求
衡門可棲遲
矧乃麋鹿性
塵市胡能羈
秋菊滿陶宅
望子在東籬
秋日喜晤胡子大川即步元韻

幾年江上伴漁翁
秋水伊人想望中
問我功名惟守拙
聞君生計只安窮
千金自惜涓人市
一顧誰教冀北空
此日相逢來塞外
居庸嵐翠滿詩筒

雪中復過邢臺和壁間韻

北園詩草
三
風催榆柳漸蕭疎，驛路驚看雪滿車。客思每縈千里外，歸鞭又是一年餘。山迷煙靄青如失，髮染星霜白上初。今日邢臺還寄宿，梅花香夢繞吾廬。

邯鄲道上

黃梁難熟夢難窮，來去邯鄲一歲中。鼓瑟未曾聞趙女，奪符終欲惜英雄。柳疎半減烟籠翠，楓冷初驚雪壓紅。又是愁人長路裏，夕陽欲下數聲鴻。

喜雪

天王睿慮切民瘼，時清政簡刑無虐。五風十雨聖之

時一麾出守過瀍洛，汝南古稱名勝都。童叟由來無落魄，天門忽爾棲燭龍。陽光幾欲燒琴鶴，春風楊柳纂千門。紛紛如絮時初落，着樹飛花先北林。迷樓拂砌連南郭，色共青溪白鷺飛。香和玉屑冰梅嚼，瑞先東畝麥雙岐。豐兆西城樹百穫，帶雨融成玉樹枝。因風旋作梨花萼，策蹇橋頭興頗濃。放舟剡上情寧薄，且解金魚換酒來。狂呼痛飲鸕鷀杓，康衢擊壤群相歌。既霑既足爭歡躍，太守不敢有其功。調燮本自由綸閣，百室盈寧書有年。蓬蓬社鼓民偕樂。

喜雨

天教酥雨潤為霖繞砌携鋤較淺深煙霧絲絲沾麥
秀雲和點點入桑林一犁春透王孫草百室歡開太
守襟綠蟻滿斟誰共樂和豐時切阜民心

二月二日行部申陽道上

行部芳郊外風和放曉晴一犁霑化雨四野見春畊
嫩綠初融麥羞簧已奏鶯為誰頻駐馬辛苦問蒼生

勸農十首

汝南春事近如何柳色花香孰較多喜是今朝新雨

後雙旌聊為勸農過

平蕪如繡綠初肥茅舍泥香燕子歸采采傾筐邨落
女斲紅雙臉佇春暉

家家陌上荷鋤來辛苦長年在草萊時雨時風農事
好麥岐纔出豆花開

籃輿一路踏晴芳柳躡鶯嬌目正長莫遣傳呼過碧
沼恐防驚起睡鴛鴦

綠陰濃處傍村居為領春風一駐車田父見官渾不
慣向前長揖作謙虛

東臯放眼碧芊芊
晴日和風晒麥天
聞道去年妨稼穡
穡小桃花謝雨連絲

暖日遲遲繡陌中
誰家牧笛弄春風
一聲吹墮雙鸞白
白麥浪如烟捲碧空

梅子枝頭未破酸
柳花堤上雪如團
最憐蓬戶停梭女
拋擲春光不去看

雨浥茸茸淨麴塵
餉耕豈是爲尋春
熙恬到處憐兒女
雞犬無驚臥綠茵

晚風斜日尚停驂
野老扶筇亦縱談
較雨量晴垂柳

外何如斗酒與雙柑

雨中沈邱道上看牡丹和金靜軒太守韻

膏雨隨車徧花疆
春正多紅妝
勻露臉翠葉拂煙簑
解語嬌迎客
含香笑欲歌
風流賢太守
歡賞意如何
祝許昌董太守五十壽

蓬萊佳氣滿黃堂
化日新添彩線長
竹葉樽浮千歲酒
梅花風遞四筵香
三多我欲華封祝
五袴人稱太守良
處處歡聲歌壽世
大椿原可媿甘棠

遊靈山寺六十韻

惟南有雄鎮突兀撐青天綿亘橫楚塞出沒生雲煙
高望三百里日月互相穿谿壑極幽邃往來多昔賢
而我風塵吏恒爲俗拘牽治郡已三載案牘紛糾纏
爾乃戒僕馬命駕來林泉雖耽山水趣亦以勤化宣
荒途鮮伏莽緩轡循陌阡埜老時指畫前途好山川
馴雉滿山梁向人自翩翩塵世猶復邇境物已相懸
行行近山麓參差屋幾椽老僧馬前揖導我入靜便
留客嘗法乳刹那悟塵緣妄心澡雪盡影事都棄捐
寬鞵携瘦策篆路堪盤旋初入兩山口蜿蜒一徑傳

林木風颯颯溪聲溜涓涓自居塵世久到此如登仙
風吹石雲影天光裂中邊龍牙何代寺香氣開白蓮
直入坐方丈且爲稍遷延僧厨供飲饌野蔬雜乾鮮
下筯一餐飽誰復慕腥膻日色已停午登頓還爭先
時維新霽後殘雪尚堆棉高下披榛棘迂迴鳥迹偏
倚杖目不曛舉步防危顛翹首望行客攀躋等飛鳶
怪石向人怒欲墮復勾連刻畫獅子狀猙獰形跡全
古木四山合陰森心肅然猛虎白日出叫跳行蹊田
屈指逾五嶺乃至靈山前寺門對屏障石橋跨清漣

鐘磬一聲響令人萬慮蠲夕陽忽西匿濟勝具未憇
緩步遶寺後一探九龍淵匹練掛百尺碎珠落濺濺
夜靜山火明僧歸寂安禪剪燭自枯坐松風鳴秋絃
山鬼聲百狀聽之不能眠少焉窓漸白紅日東方圓
披衣起清盥稽首花雨筵雙屐齒未折疲勞亦已痊
更欲窮僻境誰能便息肩乳竇隔凡處艸木分斧剗
石磴霜雪積絕壁籐蘿攀自卯將及午甫能陟其巔
帝座儼只尺身心皆肅虔俛首見羣壑羅列滿大千
長淮天際來一線向東遷青山有敝廬南望心拳拳

白雲乍離合萬頃隨風還黯淡迷邱壑不復辨坤乾
山陰倚杖下所恃足力堅步出土門口始復乘竹篔
風香渺難說塵俗終莫湔回首惜清景寫此靈山篇
題大梁觀察胡香圃同年行樂園十二首

放鶴圖

綠茵閒坐處泉石淨埃氛曠眼原無匹高懷自不羣
題詩飛白雪放鶴上青雲未許孤山逸調羨正待君

採芝圖

白雲滿江山四壁峭如削行行且荷鋤采采多靈藥

石梁人語稀
巖花自開落

試馬圖

桃花紅李花白
芳郊一望煙凝碧
閒携二美試春晴
五花騎出垂楊陌
踟躕飛轡若驚鴻
斜穿玉鐙弓鞋窄
駿馬名姝世所稀
明珠十斛難雙易
今日風流盡屬君
何人復種藍田璧

種蘭圖

風暖日遲遲
呼童課花事
一室盡芝蘭
芳香愜幽志

又

短榻臨瑤砌
玉樹當清風
高曠孰與此
令人懷謝公

濯足圖

皎皎一輪月
遙升滄海端
驪珠此夜滿
萬頃光團團
誰泛蘭橈海上遊
不篙不楫輕如鷗
水天一色波激灑
科頭獨坐披清流
東扶桑西若木
海濶天空濯吾足
不比張騫槎
亦非李膺船
是乃霖雨與舟楫
行且用之濟巨川

玩荷圖

一曲輕歌酒一壺
碧荷擎露碎鮫珠
香風暗度人如

玉爲問青蓮醉也無

觀奕圖

海月行踪野鶴姿愛尋逸客結相知
琳瑯聲碎千竿竹日月閒消一局碁
茶熟古鐺煙細細雨滋泉石艸
離離玉盤不與荆公賭恐負梅花代作詩

聽琴圖

調寄秋蕊香

月裡天香初透瑞腦休噴金獸多情試把霜絃奏落
指溪山競秀那會夜雨添泉溜君知否隔窻有個
人停繡風弄珮環聲驟

登高圖

長空秋色淨鴻雁已南飛有客携樽酒扶筇入翠微
茱萸香插鬢嵐氣冷侵衣醉眼憑高迥塵心出世稀
坐看霜葉下笑指岫雲歸此會年年健何須嘆落暉

觀穫圖

瞻彼柴扉五柳依依田園堪娛駕言來歸既膺天爵
還耽邱壑遺稊滯穗載觀載穫負手行歌顧鳧與鷺
欲潔其羽濯彼清波衡門泌水安其素履樂以忘饑
于焉居止

舞劍圖

俠氣妙誇猿術劍花看舞公孫
眼底青螭出沒胸中
黃石并吞

寶髻慵梳墮馬舞衣不著霓裳
雙刃雪花春淨一泓
澗水秋光

射獵圖

朔風凜兮原野清暮雪飄兮巒壑平
花驄驕兮霜蹄
輕獵于田兮可橫行健兒躍兮勢爭
獍豺狼伏兮寂
無聲嗾黃犬兮掣蒼鷹逐狡兔兮
狐悲鳴踐豐艸兮

起麋麋奔長林兮角雙撐君前馳兮
弓矢橫箭一發
兮流寒星殪彼獸兮衆皆驚誇神臂
兮能射生帶禽
歸兮夜火明坐高堂兮呼煖烹美人
前兮搗秦箏為
君壽兮稱瑤觥

立春日喜晴和劉天章韻

旭日初明景物新東皇應律啓嘉辰
金絲刷柳黃猶
淺玉彩舒梅白漸勻雲物書成皆五
色歲華豐處兆
三春椒花更著年年頌欲自宜人與
阜民

九日行部遂邑喜雨復續乙卯題壁原韻

擧帷逢九日又見雁行斜好雨宜蕤麥涼風綻菊花
霏微連遠岫露足悅農家不似當年客何愁天一涯

雨中書懷

堤柳蕭疎葉亂飛斜風細雨暗柴扉故園南望無多
路菰米秋深蟹正肥

雨灑郊原一掌平風催鴻雁盡南征依然城郭當年
路慢擁雙旌款款行

立冬後六日隨巡憲雪山李公會社南湖書院

限韻

嶺梅欲綻小陽天恰喜調羹仰哲賢無識黔黎還化
洽會心魚鳥亦悠然早教霖雨休來後時方望雨佈
麥詩故及之
後二月傍湖光自得先為政風流推雅頌更令多士
日雨進詩篇

汝南春渡

暖日芳塵南國路花驄復此歷江皋平堤艸淺鴛雙
宿野渡舟輕水半篙青眼欲舒陶令柳朱唇未啓鄭
家桃春光一曠情何限老大於今有二毛

春日渡淮

長淮一線碧於藍岸艸汀花取次探小艇綠鬟雙盪
漿載將春色入江南

春晚入申陽

何事愁長路亦長春風薄暮入申陽半輪斜照銜青
嶂幾點歸鴉上綠楊詩思寂寥無錦句宦情蕭索有
空囊年年陌上尋芳約盡為桑麻勸課忙

曉霽望天目山

竟夕絲絲麥雨酣曉風晴色滿煙嵐雲拖天目雙峯
翠艸剪裙腰一抹藍宦跡幾年離楚北好山無限似

湘南他時不負登臨約悵望何須久駐驂

題浦晴沙小照

瀟灑襟懷氣若虹呼兒酌斗坐臨風不將白眼看人
世欲向清溪理釣筒櫻櫻松濤吹太古稜稜石壁倚
高空披圖為愛閒情況山水深藏一醉翁

寒食前一日書懷和劉天章韻

連朝風雨逼清明九十韶華幾日晴紅濕小桃粘舞
燕綠藏深柳暗啼鶯看花已覺春情薄為米誰知宦
跡輕南望親廬襄漢隔年年回首自愁生

清明日喜晴和浦晴沙韵

霏霏小雨弄晴陰
霽景開林噪曉禽
一縷新煙花外薄
十分春色雨中深
緩尋芳艸嘶金勒
常爲丁香結寸心
好把綠樽相對飲
海棠枝上露泔泔

顏別駕招集海棠花下限韻

天開霽景麗芳華
人靜東風散早衙
春入海棠嬌欲語
露凝垂柳黛初加
一枝紅玉欵金谷
十斛明珠重石家
半刺多情邀客醉
高燒銀燭對朝霞

落花

幾日芳原載酒行
東君欲去謝叢英
十分香恨飄朱檻
一片春殘落錦城
林際紅稀空怨蝶
陌頭綠暗已藏鶯
韶華有限情無限
夜雨和愁滴五更

春日大梁途中即事二首

紛紛兒女屬誰家
採得蘼蕪傍水涯
兩頰向人羞菜色
雙鬟猶自着桃花

春風斜日過郵亭
嬾策花驄問醪醑
多少兒童歸笑語
滿筐携得柳芽青

午日和劉天章韵

世路休嗟歲月忙
汝墳樽酒幾端陽
薰風榴火紅初豔
細雨新蒲綠漸長
江上彩舟誰競渡
湘中蘭芷自留芳
行吟豈似傷君子
為檢溪山入錦囊

送汝令李含貞歸觀二首

汝南三載共仙舟
人仰循聲處處留
系本青蓮襟洒落
囊傾白雪句風流
折腰不羨陶潛米
憶鱸還生張翰秋
今日一樽南浦外
萋萋艸色動離愁

綠陰垂地柳絲長
彼美行看天一方
顧我宦遊徒落拓
羨君泌水自徜徉
人依岱嶽趨東郡
彩着萊衣戲

北堂應識故園歡
聚處薰風池上芰荷香

調移陳州解組後
送母南歸入關返宿李家寨

感懷

宦海飄流二十年
清狂從不乞人憐
亦知政拙慚無補
敢謂才疎怨改遷
千里板輿歸路穩
一家分袂別腸牽
出關仍就邨燈宿
夢裡還疑繞膝前

晚宿明港驛題壁

五載蒞汝南
常懷憂鼎餽
所期政在寬
教養移敲朴
傲骨久支撐
清風厭梁肉
召伯安可希
那見棠陰覆

從茲卸仔肩改轍紛馳逐回首故山遙險仄防顛撲
送母獨歸遲孤燈還旅宿不見空群人鹽車甘碌碌

題胡香圃驛憲春溪垂釣行樂圖

桃花夾岸春光融縠紋微皺來輕風小艇不繫貼松
石玉莎瑤草溪西東綠簑青笠渾閒却爐香詩卷撐
孤篷一竿在手山水靜萬慮都蠲心眼空虹霓爲線
日月餌釣鰲神技誰其同迷津不是武陵渡無恙曾
經瓠子宮清時用作濟川楫世錫絲綸掌握中願將
此圖獻

天子形求可以占非熊磻溪豈似垂白叟黑頭行且登
三公彈冠竊效貢公喜肯教斯立常哦松

奉使採柳詞十首

一夜春風入汴堤澹黃輕碧雨初齊東君解識章臺
客檢點纖腰過柳溪

煙絲露葉曉含青牽惹春愁總未醒不伴錢塘蘇小
小如何拋擲在旗亭

春色平分二月天長隄碧浪湧如煙黃鸝不解行人
恨喚起濃愁馬上眠

無限春情只自傷翠眉低鎖一行行運斤小技何從
試聊向金隄伐遠揚

兩行官柳碧毵毵緩策吟鞭取次探不向西湖留五
馬枝枝空自帶春酣

飄蕩春風不自持綠酣煙煖一絲絲從今折盡千條
翠無復郵亭縮別離

細雨斜風柳外多如啼如恨奈愁何桃花無處逢人
面盡日相看斂翠蛾

青眼難逢黛易消濃陰芟却許多條也知陶令門前

柳從此春風不折腰

執柯盡日響丁丁不管長條與送迎為語個儂休伐
盡一枝留得待藏鶯

綠暗長隄柳色稠桃花無恙逐春流楚宮誰更憐腰
細盡伴河防瓠子秋

寄祝俞乾一尊翁六十壽

閨苑春回二月初介眉酒熟慶康居欣聞壽域開三
益遙指吳山祝九如玉樹並榮環膝下紫芝競秀列
庭除瑤池好遇添籌便一倩青鸞到闔廬

北上留別朱霞谷寅長即用原韻

驅車北去載春陽滿飲離樽出大梁高義自今推鮑
子愛貧誰復重崔郎河清一笑冰壺徹風雅長吟白
雪香此後思君回首處夷門烟月曉蒼蒼

其二

河梁携手引雙旌碧水澄潭送我情一葉征帆催渡
客兩行官柳接啼鶯春風拂綬晴絲軟芳艸和煙驛
路清珍重臨歧樽酒約海棠開後是歸程

初春重過清風店題壁

餘寒猶近早春時旅館重過歲若馳未遇名花空對
酒愛他粉壁且題詩青衫舊已沾司馬薄倖今還讓
牧之二十年來燕趙客清風明月兩相知

題豐樂橋呈李萊涯寅長

惠政由來屬愛民輿梁疊駕倚河濱春風拂水浪花
碧細雨清塵玉螭新行客自今懷利涉征途從此不
迷津題橋我欲循芳躅還遜漳南第一人

冬晚行部淮陽夜過雷驚萬山庄和韻四首

檐車衝雨雪薄暮遶江灣問俗民多疾勞心政未閒

偶來棲驛舍不意對溪山高士難安臥因余夜扣關
其二

琴樽敦雅愛松竹結寒盟留客開家釀敲詩重友生
素梅香逾遠白雪句同清棲隱淮南士寒惟一識荆
其三

治績非循吏詩書真腐儒對君森玉樹坐我在冰壺
寒盡蒼生暖春回草木蘇不須五斗米瀟洒却勝吾

其四

雪霽雲初淡眉灣月有輝從來詩酒樂翻覺利名微

禾秀無雙穗公車恥四駢瘡痍猶未起碌碌敢言歸

春日雷驚萬見貽蠟梅並繫四截步韵荅之

蠟瓣初融逸態生月明時有暗香清孤山未識林和
靖冶句空遺宋廣平

檀口含香春未透疎枝拂水雪初寒如何一樣冰肌
瘦不共梅花入搵彈

鐵幹扶疎老瓦盆小窻移八月無痕素心若憶羅浮
伴林下何妨引醉魂

舍章因拂壽陽身染得鴟黃別有神若個多情移贈

我小齋先占一枝春

恭題張南華少詹金蓮榮遇圖六首

芳林漠漠曉煙垂幾點青山列遠眉
上苑鶯花春色溥援毫寫出太平時

詩疏兼通大小毛豳風作繪一何高時和自有張堪
麥仙使無煩曼倩桃

繡檻無塵滿地雲通靈妙手絢成文生綃一幅休嫌
澹管領春光已十分

從容春殿語親承捲起宮簾旭日升玉勅傳宣香案

吏畫師詞伯獨兼勝

寫得霜縑尺幅成

至尊題品荷殊榮金箱玉軸裝潢就時有光芒爍太清
金蓮撤燭古難求千載光華照鳳樓今日玉堂傳盛
事起居記注在螭頭

奉題拙圃集後

井絡東來江漢流
白雲黃鶴有高樓
司勳絕唱誰能和
又見公詩在上頭

太守人天第一才
彩毫揮霍動雲雷
黃河遠上星垂地
都付吟牋九萬枚

汾南汝北三千里
雙鹿遨頭二十年
心畫心聲何處寫
碧瀾寸寸割秋煙

載鶴携琴興不孤
嗟成一字一驪珠
前身疑是

香山老聞說屏風處處圖

文章馬稍意縱橫拉席推熊掣海鯨王宋尚書

如可作謂二漁公綿天留曉月匹長庚

健比蒼鷹脫錦鞵清如獨鷓吸雲洲讀書萬卷

供驅使語不驚人不肯休

卧閣清風引竹梧水雲浩淼夢江湖思鄉懷古

情何限莫訝經年衫袖烏

松性筠心金玉相拈來楮葉析毫芒熊熊光氣

纏霜匣何似唐瓢李賀囊

風雅源流許細論凝香燕寢笑言温知公曾次

無涯淡雲夢能教八九吞

石室新調五舌簧沈沈花漏詠霓裳太常方采

河間樂好奏房中十七章時公有新樂府繫行

乾隆七年歲在昭陽大淵獻暢月幾望

屬吏江都許佩璜拜手

拙園詩草後跋

本朝

列聖相傳禮樂極其明備法制極其精詳

謨訓光昭典章彪炳文德武功無一不

加隆注代一時應運而興者理學經術

之儒忠勤氣節之彥參流卷帙績著

旃常雲蒸霞蔚亦無一不超越前人

即以詩論文人學士類皆揚風抗雅
鼓吹休明其能躡顏謝之藩圃高岑
之室麗元白之場奪蘓黃之席者固
指不勝屈而新城司箴阮亭格律深嚴
獨主宗盟于充冀秀水檢討比垞丰標
俊逸更樹壇坫於荆揚世稱北王南朱
爭雄角勝殊難為之軒輊至高邛冢

宰牧仲宗公丞相公之餘蔭起家翊衛
易秩監司秉公旌典銓選敷歷中外
數十年是以詞瀾激宕聲韻鏗鏘遂
與新城秀水同時鼎峙於中原此三家
者激六藝之菁英摘千秋之麗藻視
晉唐宗元諸作殆有過之無不及也
迺我

汝寧太守江夏崔公潤閱高華勛廟
顯燦幼侍

總戎公宦遊四方踰閩海歷吳越周覽
邊徼擅貫蟲宰揚之絕技而蘊離龍繡
席之文心吐奇茹秀得之江山之助者
居多既而蜚聲世胄奮迹

王庭表風稜于畿輔則前捲趙張濡惠露

於并汾則遠追名杜洎膺

簡命未涖天中甸宣陳蔡之郊彊理汝淮之

域整躬率屬肅紀矜經勸課農桑興
修庠序一以實心行寔政不朞年而
教化大行風俗丕變民懷其德吏畏
其神閱三載如一日燉代匱慎陽于
公為屬下吏親炙德徽樂觀治效每蒙

公之文章政事夏絕今古嗣讀公拙
圃詩集此則公之出其緒餘發為咏
歌者也細由繹之而知其構思綿密詰
事渾融無一語龐雜邃然有新域之
格律焉其命意雅醇取材典貴無一
語粗豪溫然有秀水之丰標焉而且
縱橫馳驟筆酣墨飽無一語寄人誰

下則其詞瀾之浩博聲韻之恢闔又卓
然與商邱齊驅而並駕焉夫三家抗衡
於前而公獨揚鑣于後振大雅之嗣
音唱風騷之逸響自此黼黻

皇猷廣賜喜起鋪張偉烈潤色太平和其
聲以鳴

國家之盛者舍我公而誰然則拙圃一

集不且兼綜漁洋綿津諸集而後未
居上也哉世有知詩者當不以弁鄙之
言為私阿所好也乾隆戊午季秋下
澣屬吏海寧許勉燉拜手頓首謹跋

